

اتوار 5 جولائی، 2026

مضمون۔ رب

سنہری متن: زبور 1:52 آیت

”رب دی شفقت ہمیشہ دی اے۔“

جوابی پڑھائی: زبور 1:19 توں 3، 7، 8 آیتاں

زبور 5:20 توں 7 آیتاں

1۔ اسمان رب دا جلال ظاہر کر دا اے تے ہوا اوہدی دستکاری دکھاؤندی اے۔

2۔ دن نال دن گل کر دا اے تے رات نوں رات حکمت سکھاؤندی اے۔

3۔ نہ بولنا اے نہ کلام۔ نہ اوہناں دی آواز سُن دی اے۔

7۔ رب دی شریعت کامل اے۔ اوہ جند نوں بحال کر دی اے۔ رب دی گواہی سچی اے۔ نادان نوں سیان دیندی اے۔

8۔ رب دے قانون راست نیں۔ اوہ دل نوں سکون دیندے نیں۔ رب دا حکم بے عیب اے۔ اوہ اکھیاں نوں روشن کر دا اے۔

5۔ اسی تیری مکتی اُتے شادیانہ وجاں گے تے اپنے رب دے نال اُتے جھنڈے کھڑے کراں گے۔

6۔ ہن مینوں پتا چل گیا پئی خداوند اپنے مسموح نوں بچا لیندا اے۔ اوہ اپنے سجھے ہتھ دی مکتی دین والی طاقت نال اپنے پاک اسمان اتوں اوہنوں جواب دیوے گا۔

7۔ کسے نوں رتھاں اُتے تے کسے نوں گھوڑیاں اُتے بھروسہ اے پر اسی تے خداوند ساڈے رب داناں ہی لواں گے۔

درسی وعظ

بائبل وچوں

1۔ زبور 5:99 آیت

5۔ تسی خداوند ساڈے رب دی وڈیائی کرو۔ تے اوہدے پیراں دی چوکی اُتے سجدہ کرو۔ اوہ پاک اے۔

2۔ خروج 3 باب 1 توں 7، 10، 13، 14 آیتاں

1۔ تے موسیٰ اپنے سَورے یزودیاں جیہڑا مدیان داکا ہن سی بھید بکریاں چار داسی تے اوہ بھید بکریاں نوں ہنکاندا ہونیا اوہناں نوں بیابان دے پرلے پاسیوں رب دے پہاڑ دے نیہرے لے آیا۔

2۔ تے خداوند اک فرشتہ جھاڑی وچوں آگ دے چنگیاڑے وچ اوہدے اُتے ظاہر ہونیا۔ اوہنے دھیان کیتا تے کیہ ویکھدا اے پئی اک جھاڑی وچ آگ لگی ہوئی اے پر اوہ جھاڑی سڑدی نہیں۔

- 3- فیر موسیٰ نے آکھیا پئی میں ہن ذرا او دھر جا کے ایس منظر نوں ویکھاں پئی ایہہ جھاڑی کیوں نئیں سڑدی۔
- 4- جدوں خداوند نے ویکھیا پئی اوہ ویکھن لئی کتر کے آرہیا اے تے رب نے اوہنوں جھاڑی وچوں آواز دتی تے آکھیا اے موسیٰ! اے موسیٰ! اوہنے آکھیا میں حاضر واں۔
- 5- فیر اوہنے آکھیا ایدھر کول نہ آ۔ اپنے پیراں توں جوتی لاکیوں جے جیہڑی تھاں تے توں کھلوتا ایس اوہ پاک دھرتی اے۔
- 6- فیر اوہنے آکھیا میں تیرے پیو دادے دارب یعنی ابراہام دارب تے یعقوب دارب تے اسحاق دارب واں۔ موسیٰ نے اپنا منہ لکویا کیوں جے اوہ رب اُتے نظر کرن توں ڈردا سی۔
- 7- تے خداوند نے آکھیا میں اپنے لوکاں دیاں تکلیفاں جیہڑے مصر وچ نئیں خوب ویکھیاں تے اوہناں دی فریاد جیہڑی بیگار لین والیاں دے پاروں اے سنی تے میں اوہناں دے دکھاں نوں جان داواں۔
- 10- ایس لئی ہن آ میں تینوں فرعون دے کول گھلداواں پئی توں میری قوم بنی اسرائیل نوں مصر وچوں کڈھ لیاؤں۔
- 13- جد میں بنی اسرائیل دے کول جا کے اوہناں نوں آکھاں گا پئی تہاڈے پیو دادے دے رب نے مینوں تہاڈے کول گھلایا اے تے اوہ مینوں آکھن پئی اوہداناں کیہ اے؟ تے میں اوہناں نوں کیہ دساں؟
- 14- رب نے موسیٰ نوں آکھیا جو میں ہاں سو میں ہاں۔ ایس لئی توں بنی اسرائیل نوں ایج آکھیں پئی میں جوہاں نے مینوں تہاڈے کول گھلایا اے۔

3- خروج 4 باب 1 توں 8، 10 توں 12 آیتاں

- 1- تد موسیٰ نے جواب دتا پر اوہ میرا اعتبار ای نئیں کرن گے نہ میری گل سنن گے۔ اوہ آکھن گے پئی خداوند تینوں دکھالی نئیں دتا۔

- 2- تے خداوند نے موسیٰ نوں آکھیا پئی ایہہ تیرے ہتھ وچ کیہ اے؟ اوہنے آکھیا سوٹی۔
- 3- فیر اوہنے آکھیا اوہنوں دھرتی اُتے سٹ اوہنے اوہنوں دھرتی اُتے سٹیا تے اوہ سپ بن گئی تے موسیٰ اوہدے کولوں نسیا۔
- 4- تد خداوند نے موسیٰ نوں آکھیا ہتھ ودھا کے اوہدی پوچھل پھڑلے۔ اوہنے ہتھ ودھایا تے اوہنوں پھڑلیا۔ تے اوہ اوہدے ہتھ وچ سوٹی بن گیا۔
- 5- تاں جو اوہ اعتبار کرن پئی خداوند اوہناں دے پیو دادے دارب ابراہیم دارب تے یعقوب دارب تینوں وکھالی دتا اے۔
- 6- فیر خداوند نے اوہنوں ایہہ وی آکھیا پئی توں اپنا ہتھ اپنے سینے اُتے دھر کے اوہنوں ڈھک لے۔ اوہنے اپنا ہتھ اپنے سینے اُتے دھر کے ڈھک لیا تے جد اوہنے اوہنوں باہر کڈھ کے دیکھیا تے اوہدا ہتھ کوڑھ نال برف وانگر چٹاسی۔
- 7- اوہنے آکھیا پئی توں اپنا ہتھ فیر اپنے سینے اُتے دھر کے ڈھک لے۔ اوہنے فیر سینے اُتے دھر کے ڈھک لیا۔ جد اوہنے اوہنوں باہر کڈھ کے دیکھیا تے اوہ فیر اوہدے باقی پنڈے وانگر ہو گیا۔
- 8- تے ایتخ ہووے گا پئی جے اوہ تیرا یقین نہ کرن تے پہلے معجزے نوں وی نہ منن تے دو جے معجزے دے پاروں یقین کر لیں گے۔
- 10- تد موسیٰ نے خداوند نوں آکھیا اے خداوند! میں فصیح نیں۔ نہ تے پہلے ای سی تے نہ جد توں اپنے بندے نال کلام کیتا بلکہ رُک رُک کے بولداواں تے میری زبان کنداے۔
- 11- تد خداوند نے اوہنوں آکھیا پئی بندے دامو نہہ کنسے بنایا اے؟ تے کون گنگا یا بولہ یا سجا کھایا انا کھدا اے؟ کیہ میں ای جیہڑا خداوندواں ایہہ نیں کردا؟
- 12- ایس لئی ہن توں جاتے میں تیری زبان دا ذمہ لیناواں تے تینوں سکھاؤندار ہواں گا پئی توں کیہ کیہ آکھ۔

4- عبرانیوں 11 باب 1 توں 3، 6، 24 توں 27، 32 توں 34 آیات

- 1- ہن ایمان اُمید کیتیاں ہوئیاں شیواں دا اعتماد تے نہ ویکھیاں شیواں دا ثبوت اے۔
- 2- کیوں جے ایہدے بارے بزرگاں دے حق وچ چنگی گواہی دتی گئی۔
- 3- ایمان نال ای اسی پتا کر دے آں پئی جہاں رب دے آکھن نال بنے نیں۔ ایہہ ننیں پئی جو کجھ وکھالی دیندا اے ظاہری شیواں نال بنیا اے۔
- 6- تے ایمان دے بغیر اوہنوں پسند آنا ناممکن اے۔ ایس لئی پئی رب دے کول آؤن والے نوں ایمان لیا نا چاہیدا اے پئی اوہہ اے تے اپنے طالبان نوں بدلہ دیندا اے۔
- 24- ایمان پاروں ای موسیٰ نے وڈھے ہو کے فرعون دی دھی داپتر اکھوان توں انکار کیتا۔
- 25- ایس لئی اوہنے پاپ دا چند روزہ مزہ لین دی بجائے رب دی اُمت نال بدسلوکی برداشت کرن نوں بوہتا پسند کیتا۔
- 26- تے مسیح واسطے لعن طعن اٹھان نوں مصر دے خزانیاں توں وڈی دولت جانیو کیوں جے اوہدی نظر اجر پان اُتے سی۔
- 27- ایمان پاروں ای اوہنے بادشاہ دے غصے توں نہ ڈر کے مصر نوں چھڈ دتا۔ ایس لئی پئی اوہ نہ ویکھے ہوئے نوں جیویں ویکھ کے ثابت قدم رہیا۔
- 32- ہن ہو رکیہ آکھاں؟ ایناں ویل کتھے پئی جدعون تے برق تے سمسون تے افناہ تے داؤد تے سیموئیل تے نبیاں دا حال دس سکاں؟
- 33- اوہناں نے ایمان دے پاروں ای سلطنتاں نوں مغلوب کیتا۔ راستبازی دے کم کیتے۔ وعدہ کیتیاں ہوئیاں شیواں نوں حاصل کیتا۔ شیراں دے منہ بند کیتے۔
- 34- اگ دی تیزی نوں بجھایا۔ تلوار دی دھارتوں بچ کے نکلے۔ کمزوری وچ زور والے بنے۔ لڑائی وچ دلیر بنے۔ غیراں دیاں فوجاں نوں نسایا۔

5۔ زبور 5:42 (خداوند) آیتاں

5۔ اے میری جان تو کیوں ڈگی جانی ایس؟ تُو اندروں ہی اندر کیوں بے چین ایس؟ رب توں آس رکھ کیوں جے اوہ میرے مکھڑے دی رونق تے میرا رب اے۔

8۔۔۔ دن نوں خداوند اپنی شفقت وکھاوے گا۔ تے رات نوں میں اوہدا گیت گانواں گا بلکہ اپنی حیات دے رب توں دعا منگاں گا۔

6۔ زبور 48:106 آیت

48۔ خداوند اسرائیل داربازل توں ابد تیکر دھن ہووے! تے ساری قوم آکھے آمین۔ خداوند دی وڈیائی کرو۔

سائنس تے صحت

1۔ 8-5:587

رب۔ وڈھا میں آں؛ سب کجھ جانن والا، سب کجھ دیکھن والا، سارے کم کرن والا، ساری سیان، سارا پیار، تے ابدی، اصول، جان، روح، حیاتی، سچائی، پیار، سارا مواد؛ ذہانت۔

2- 20-16:286

سیکسن تے وی دو جیاں بولیاں وچ چنگلیائی رب لئی اک اصطلاح اے۔ صحیفے اوس سب نوں ظاہر کر دے نیں جو کجھ اوہنے چنگا بنایا، جیویں پئی اوہ آپ، اصول تے خیال وچ چنگا اے۔ ایس لئی روحانی سنسار چنگا اے، تے ایہہ رب نوں اونج دا ای ظاہر کر دی اے جیویں اوہ ہے اے۔

3- 25:330 (خیال)۔27

ایہہ وچار پئی چنگلیائی تے بریائی دونوں اصلی نیں مادی سوچ دا اک دھوکہ اے، سائنس جید استیاناس کر دی اے۔ بریائی کجھ نہیں اے، کوئی شے، سیان، کوئی طاقت نہیں۔

4- 25-9:113

الہی مابعد الطبیعیات دیاں بنیادی تجویزاں دا خلاصہ میٹھاں لکھیاں ہوئیاں چار تجویزاں وچ کیتا گیا اے، جیہڑیاں میرے نیہرے، آپ ای واضح تجویزاں نیں۔ ایہتھے تیکر پئی جے ایہناں نوں پلٹاؤ تا جاوے، تے ایہہ بیان تے ثبوت وچ اکو جیہیاں پائیاں جان گياں، جیہڑیاں ریاضی دے لحاظ نال سچیاں دے نال ایہناں دا صاف تعلق ظاہر کر دیاں نیں۔ ڈی کوئسنی آکھدا اے پئی ریاضی دے کول کھلون لئی پیر نہیں جیہڑی کہ خالص طور تے مابعد لا طبیعتیاتی نہیں اے۔

- 1- رب ای سب کچھ اے۔
- 2- رب چنگیائی اے۔ رب سیان اے۔
- 3- رب، روح، ساری ہستی، مادے وچ کچھ نہیں۔
- 4- حیاتی، رب، قادر مطلق چنگیائی، موت، بدی، پاپ بیماری نوں رد کردے نیں۔ بیماری، پاپ، بدی، موت، چنگیائی، قادر مطلق رب تے حیاتی توں انکاری نیں۔

چاراں تجویزاں وچوں کیڑی تردید اصلی اے؟ ساریاں سچ نہیں، تے ہووی نہیں سکدیاں۔ پاک کلام دے مطابق، میں دیکھیا اے پئی رب سچا اے، ”بلکہ ہر [فانی] بندہ جھوٹا اے۔“

5- 32-27:387

مسیحت دی تاریخ اوس اسمانی پیو، قاد مطلق سیان، دے دتے ہوئے اثراں تے حفاظت کرن والی طاقت دے شاندار ثبوتوں سامنے لیاؤندی اے جیہڑا انسان نوں ایمان تے سمجھ دیندا اے جیدے نال اوہ اپنے آپ نوں بچا سکدا اے نہ صرف آزمائش توں بلکہ جسمانی دکھاں تووی۔

6- 7-4:200

موسیٰ نے اک قوم نوں مادے دی بجائے روح وچ رب دی عبادت کرن ول لایا، تے لافانی سیان دیاں دیتیاں ہوئیاں ہستی دیاں وڈھیاں انسانی قابلیتوں نوں بیان کیتا۔

7- 2-6:321

عبرانیوں نے شریعت دین والا، بولن وچ دھیمہ، جو کچھ اوہدے اُتے ظاہر ہوئی اسی اوہ لوکاں نوں سمجھاؤں توں مایوس سی۔ حکمت توں ہدایت پا کے جدوں اوہنے اپنا عصاد ہرتی اُتے سٹیتے اوہنے اوہنوں سب بن دیاں ویکھیا، موسیٰ ایہدے سامنیوں تیج پیا، پر سیاں نے اوہنوں واپس مڑن تے اوس سب نال نبرٹن دا حکم دتا، تے فیر موسیٰ دا ڈر دور ہو گیا۔ ایس واقعے وچ سائنس دی حقیقت ویکھی گئی۔ ماد اصر ف سامنے لیا گیا۔ دانائی دے حکم پیٹھاں سب، بریائی، الہی سائنس دے فہم پاروں برباد ہوئی، تے ایہد اثبوت اوہ عصا سی جیدے آگے جھٹکنا سی۔ اوہنوں خبردار کرن لئی موسیٰ دا بھرم فیر اپنی طاقت گواچکیا سی جدوں اوہنے ایہہ دریافت کیتا پئی جو کچھ اوہنے ظاہری طور تے ویکھیا اے اوہ اصل وچ سی نہ پئی مادی عقیدے دا اک حصہ سی۔

جدوں موسیٰ نے پہلاں اپنا ہتھ اپنے سینے اُتے رکھ کے ڈھکیاتے فیر برف وانگر چٹا مہلک بیماری دے نال باہر نکلیاتے فیر اوسے ای ویلے اوسے ای سادہ مرحلے دے نال اپنے ہتھ نوں ایہدی فطری حالت وچ بحال کر لیا تے سائنسی طور تے ایہہ گل ظاہر ہوئی پئی کوڑھ فانی سیاں دی اک تخلیق اے نہ پئی مادے دی کوئی حالت اے۔ الہی سائنس وچ ایس ثبوت دے پاروں رب نے موسیٰ دے ڈر نوں گھٹ کر دتا، تے ایہدی اندرونی آواز اوہدے لئی رب دی آواز بن گئی، جنسے آکھیا، "تے اینج ہووے گا پئی جے اوہ تیر یقین نہ کرن تے پہلے معجزے نوں وی نہ منن تے اوہ دو جے معجزے دے پاروں یقین کرن گے۔" تے فیر آون والے ورہیاں وچ ایہہ ہو گیا، پئی یسوع دے پاروں ہستی دی سائنس نوں ظاہر کیتا گیا، جنسے پانی نوں مے وچ بدل کے اپنے طالب علماں نوں سیاں دی طاقت وکھائی، تے سیاں دی بالادستی نوں ثابت کرن لئی اوہناں نوں سکھایا پئی کینج نقصان پہنچائے بغیر سپاں توں نبرٹنا اے، کینج بیمار نوں شفا دینی تے بدروحواں نوں کڈھنا ایں۔

8- 18-13:323 (توں؛)

ہور سمجھن لئی، جو اسی پہلاں توں جان دے آں اوہنوں ہور عمل وچ لیاؤنا پوے گا۔ ساہنوں ایہہ یاد رکھنا پوے گا پئی سچائی نوں جد سمجھیا جاندا اے تے اوہ اثبات دے قابل ہووے گا، تے ایہہ پئی چنگیائی تے تیکر نیں سمجھی جاندا جد تیکر اوہنوں ظاہر نہ کیتا جاوے۔ جے ”تھوڑے وچ دیا نندار آں“، تے ساہنوں بوہتے دا مختار بنایا جاوے گا؛

9- 21:15-21

کدی کدی ساہنوں ایہہ منن تے مجبور کیتا جاندا اے پئی ہنیر الو وانگر اصلی اے؛ جد کہ سائنس پک کر دی اے پئی ہنیرا بس لودے فانی فہم دی غیر موجودگی اے، جیدے آن نال ہنیرا اصلی شناخت گواہیندا اے۔ ایس لئی پاپ تے ڈکھ، بیماری تے موت، حیاتی تے رب دی فرضی غیر موجودگی نیں، تے ایہہ سچائی تے پیار دے سامنے غلطی دے تصور اں وانگر نس جاندا اے نیں۔

10- 19:4:381

ایس غلط فہمی دا شکار ہون لئی تیار نہ ہوو پئی تسی بیمار او یا نظام وچ کوئی بیماری پیدا ہو رہی اے، بجائے ایہدے پئی تسی جگ اُتے کسے پاپ دے فتنے دا شکار ہو جاو پئی پاپ دیاں اپنیاں لوڑاں ہندیاں نیں۔

جدوں کسے فرضی قانون دی خلاف ورزی ہندی اے تے تسی آکھدے او پئی ایہدے وچ خطرہ اے۔ ایہہ ڈرای اصل خطرہ اے تے جسمانی اثر اں ول دھیان کر دا اے۔ اسی اخلاقی یار و حافی قانون دے ٹٹن توں علاوہ اصل وچ کسے ہور شے دے ٹٹن نال پیر محسوس نیں کر سکدے۔ فانی یقین دے قانون ایہہ سمجھن نال خراب ہندے نیں پئی روح

غیر فانی اے، تے ایہہ پئی فانی سوچ ویلے، دُور اے تے بیماریاں دیاں قسماں لئی قانون نئیں بنا سکدی، جیدے نال فانی لوگ مر جاندے نیں۔ رب قانون بناؤن والا اے، پر اوہ غلط طراں دے اصول بناؤن والا لکھاری نئیں اے۔ ازلی حیاتی تے پیار وچ کوئی بیماری پاپ نئیں نہ ای موت اے تے پاک کلام واضح کرداے پئی اسی ازلی رب وچ جیوندے، تَرُدے پھر دے تے اپنا وجود رکھ دے آں۔

11- 25:243 (سیچائی)-4

سیچائی وچ غلطی دا کوئی شعور نئیں اے۔ محبت وچ نفرت دا کوئی فہم نئیں اے۔ حیاتی دی موت نال کوئی سانجھ نئیں اے۔ سیچائی، حیاتی تے محبت ہر اوس شے لئی ہلاکت دا اک قانون اے جیہڑی ایہناں دے الٹ اے، کیوں جے ایہہ آپ رب دے سوا کجھ وی ظاہر نئیں کردیاں۔

بیماری، پاپ تے موت حیاتی دے پھل نئیں۔ ایہہ بے آہنگیاں نیں جنہاں نوں سیچائی برباد کردی اے۔ کاملیت غیر کاملیت نوں حیاتی نئیں دیندی۔ کیوں جے رب نیک تے سارے جانداراں دا سرچشمہ اے، اوہ اخلاقی یا بدنی بد صورتی پیدا نئیں کردا؛ ایس لئی اجیہا وگاڑ اصلی نئیں بلکہ نظر دادھو کاتے غلطی دا سراپا اے۔ الہی سائنس ایہناں وڈھیاں اصلیتاں نوں ظاہر کردی اے۔

12- 5:32:278

ساڈی نظر وچ کیہڑی شے مواد ہونی چاہیدی اے، غلطی، تبدیل کرن والا، فنا ہون والا تے فانی، یا فیر غلطی توں پاک، ناقابل تغیر تے لافانی؟ نوں عہد نامے دا اک لکھاری تفصیل نال ایمان یعنی سیان دے معیار نوں ”امید کیتیاں ہوئیاں شیواں دے اعتماد“ دے طور تے بیان کردا اے۔

13- 19-14:368

جدوں اسی غلطی توں بوہتا حیاتی دی سچائی اُتے بھروسہ کر دے آں، مادے توں بوہتا روح اُتے بھروسہ کر دے آں،
مرن توں بوہتا جین اُتے بھروسہ کر دے آں، انسان توں بوہتا رب اُتے بھروسہ کر دے آں، تے کوئی مادی مفروضے
ساہنوں بیماراں نوں شفا دین تے غلطی نوں تباہ کرن توں روک سکدے۔

14- 10-7:473

الہی اصول ہر تھاں تے موجود تے قادرِ مطلق اے۔ رب ہر تھاں تے موجود اے تے اوہدے توں وکھ کوئی موجود
نئیں اے یا کوئی طاقت نئیں اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچیاں، حیاتی تے پیاردی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپنوں رد کردیاں ہوئے، سچی پراہ بندی، خیرات پسندی تے معافی نال پیاردیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔